



Biavle sai ber en tol? De statistik van lait en 2025

Come ogni anno, l'apertura della prima pagina è dedicata ad un'analisi dei dati demografici dei nostri comuni, che confermano una sostanziale stabilità del numero dei residenti. Fierozzo/Vlarotz rimane il comune più numeroso seguito da Frassilongo/Garait, che per il secondo anno ha registrato un saldo negativo. Palù/Palai, pur essendo il comune meno popoloso della nostra comunità, si conferma per il secondo anno in controtendenza con un saldo positivo di 3 unità nel 2024 e di ben dieci unità nel 2025

Abia òlbe, en earste artikl van jor, stell ber vour en de leser de datn van zeil van lait en Tol en jor as ist garo vepai. De datn va de gònze gamoa'schöft sai' haier aa laischiar glaich ober s hõt a groasa naieket. De zeil van lait en Garait ont en Vlarotz ist ogòngen ont enveze en Palai, as ist de klea'neste gamoa' van tol, ist de oa'zege gamoa' za hom mearer lait en 2024 (drai lait) ont en 2025 (zeichen lait). Vlarotz plaip nou de greaseste gamoa', ober de verliart gor 10 mentschn, dõra kimm de gaomoa' va Garait as ist ogòngen va sim lait en 2025, no de 9 mentschn van 2024.

Sechber iaz de datn gamoa' ver gamoa' ont verleist de sèlln van gònze tol. Vong ber u' pet de sèlln va Vlarotz. De greaseste gamoa' hõt u'pfõnk s jor pet 464 mentschn. S sai' augòngen drai kinder. De lait as hom ens galòt sai' nai'na gaben. S sai' zuarkemmen 11 mentschn ont sai' vortgòngen 14 lait. As der leist to van jor de vlarotzer sai' zeichen mindeger gaben. De familie sai' gòngen va 190 der earste van genner as 184, der leiste to van jor. Ont s ist kemmen registriart a hoazet aloa'. Sechber iaz de datn va de gamoa' va Garait as ist gaben de oa'zege gamoa' za bòcksn en 2022 ont en 2023 ont enveze en 2024 hõt verloun 9 ainboner ont en 2025 sima. Der earst to van jor, de mentschn sai' gaben 343, pet 177 mander ont 166 baiber. S sai' augòngen vinf kinder, 4 piabler ont a diarndl. De mentschn as hom ens galòt sai' viara gaben, zboa mander ont zboa baiber. De sèlln as zuarkemmen sai', sai' oa'dleva gaben, sechs mander ot vinf baiber ont nai'zen mentschn sai' vortgòngen. Der leist to van jor, en de gamoa' va Garait hõt s gahòp 336 mentschn, sim lait minder van earste to van jor. Geaber iaz envire pet Palai. Ber



hom u'pfõnk s 2025 pet 162 lait: 84 mander ont 78 baiber. S ist augòngen a diarndl aloa an mònn hõt ens galòt. S sai' zuarkemmen vifzen lait, viar mander ont oa'dlef baiber. S sai' vortgòngen vinf lait, drai mander onr zboa baiber. Der leist to van jor en Palai hõt s gahòp 172 mentschn, 84 mander ont 88 baiber. Abia tsòck, ver zboa jor, Palai ist gabòcksn: va drai lait en 2024 ont gor zechena en 2025.

Ont iaz de datn ver en gònze tol (de gamoa' va Garait, de sèll va Palai ont de sèll va Vlarotz). Der earste to van jor, de lait sai' gaben 968. S sai' augòngen nai'n kinder. De sèlln as hom ens galòt sai' viarzena gaben. De sèlln as sai' zuarkemmen sai' 37 gaben ont 38 mentschn sai' vortgòngen. Der leist to van jor en de inser gamoa'schöft sai' ber ogòngen va sim lait. Iaz sai ber en 961.



Ont ver za riven, schau ber de zeil van an iata gamoa' keing en sèll van gònze Tol: asou meing ber sechen s prozent van lait as lem en an iata gamoa'. En Vlarotz lep òlbe s 47 prozent van lait va de bersntoler gamoa'schöft, abia vertn. Garait s 35 prozent van lait van tol. S prozent va Palai ist an punkt mear pet en 18 prozent van bersntoler as lem en Palai.

LORENZA GROFF

S ist zait za schraim se inn ver en schualjor 2026/2027

Gennaio, tempo di iscrizioni per il prossimo anno scolastico 2026/2027. Le domande online possono essere presentate fino al 16 febbraio 2026 per l'istruzione e formazione professionale. Per le scuole d'infanzia dal 19 gennaio al 2 febbraio 2026. Si conferma anche per l'anno scolastico 2026/2027, il calendario scolastico delle scuole dell'infanzia provinciali ed equiparate per 11 mesi di attività. Tra le novità di quest'anno, la possibilità di attivare il prolungamento dell'orario con un numero minore di iscritti.



as inntschrim sai' oder lem en provinz va Trea't, as barn drai jor hom vour de 31 van genner 2027. De innschraimvrog bart meing kemmen vourstellt lai asn telematische vurm durch en portal <https://vivoscuela.it/iscrizioni>. Bail de glaiche zait barts offet sai' de vour-innschraib ver de kinder as hom drai jor zbischn en earste to van hourneng ont en 31 van merz 2027 en kindergòrtn as de nutzersait. Ver de sèlln as hilf prauchen ver de online innschraib barts moglech sai' gea' kan provinzaltirler van lònt ont s barn ompòrt gem de koordinamentring van kindergartn. De inser gamoa'schöft hõt an kindergòrtn aloa', der "Himbling" va Vlarotz. Dõra en tol hõt sn an òndern en Schandurschl. As de 31 van schantònderer 2025 de kinder as gea' en kindergòrtn va Vlarotz sai' 12 gaben. De Earsteschual ist aa en Vlarotz. Ver en schualjor 2025/2026, de kinder as gea' en de earsteschual sai' 37: vinva en de earste klasse, secksa en zboate, òchta en dritte, zeichena en viarte ont òchta en vinfte klasse.

LORENZA GROFF

De vrong ver de jorzaitòrbeter van Groasprojekt

Dal 2 gennaio al 16 febbraio 2026, i lavoratori che soddisfano i requisiti previsti dalla normativa potranno presentare domanda per le attività stagionali del Progettone.

Va de 2 van genner finz as de 16 van hourneng 2026, de òrbeter as no en gasetz hom s rècht barn meing vourstelln de vrog ver de jorzaitòrbetn van Groasprojekt. S bart sai' der leiste bòlket ver za vourstelln de vrong pet de regln va iaz, vour as kimm u'ganommen der "nai Groasprojekt", ver en beil de kandidatur barn meing kemmen vourstellt van earste to van prochet 2026, derno va de reform as va kurza zait ist kemmen u'ganommen. Ver za vourstelln de vrog miast men sai' a'ne òrbet oder sai' sèlbstendegeòrbeter nèt inntschrim en de versicherung, as tschbinnen za krieg minder abia 4.800 euro bail en jor as men vourstellt de vrog. Derzua mias men hom unterschrim a Dinstoa'nekait pet en Zentrum ver de Òrbet ont inntschrim sai' ont lem en provinz va Trea't en de leistn vinf jor, oder va zeichen jor durch en lem benns en leiste jor, en moment as men vourstellt de vrog, ist men inntschrim ont men lep semm. Ont derzua, hom nèt minder abia: 49 jor ver de baiber ont 53 ver de mander. Ver ber as hõt s gasetz 68/99, de baiber miasn hom nèt minder abia 44 jor ont de mander nèt minder abia 48 jor. Ver za bissn eppes mear mu men u'riaven der Dinst ver de Hilffòrbet ont gilt gem en de Umbèlt asn nummer 0461 496168 oder schaim an e-mail en de adress serv. sova@provincia.tn.it.

De Forestalsession 2025

En vrait af de 6 van hourneng 2026 unni mai'na vourmitto kan Gamoa'haus va Palai bart se hòlten de forestalsession ver en jor 2026. De Forestalsession kimm gamòcht a vòrt as jor, en genner oder en hourneng, ont s ist an trèff bo as pakemmen se de amministratorn, de sèlln as hom de balder ont de gamoa'schöft za klòffen van probleme van balder ont van holz. De sèlln as sai' enteressart meing vrong za hòltn pa'm oder za hom pa'm za innsetzn. Ver Palai, ber as s prennholz billt, hõt bail finz af de 5 van hourneng za trong de vrog en de Gamoa'.

Panarotta: voucher ver de jungen

De Tolgamoa'schöft Hoa Valzegu' ont Bersntol hõt u'ganommen a konvenzion pet de Lagorai 2002 S.r.l. ver za gem en de jungen de meglechket za gea' pet de ski as de Panarotta. De kinder as lem en de gamoa'n va de Tolgamoa'schöft hom kriakt an voucher ver za meing gea' de gònze jorzait omensist as de Panarotta. De jungen as hom zbischn 11 ont 14 jor hom en kriakt asn prais va 30 euro. De sèlln as sai' enteressart ont as se hom en nèt kriakt, meing der voucher dereckt en omt as mòcht de zeitler vrong. De Panarotta bart offet plaim de sònstecher ont de suntecher van genner, van hourneng ont van merz.